

王

國

典

禮

王國典禮卷之二

奉

勅督理宗學

周府宗正力美命

婚禮

洪武二十六年定

納徵

前一日尚寶司陳設

御座於奉天殿內官監禮部設冠服首飾金銀  
段疋等儀物于文樓下教坊司設中和樂

于殿內其日清晨錦衣衛設儀仗于

丹陛丹墀之東西教坊司設大樂于

丹陛之東西北向及設樂于

午門外設護衛將軍文武官執事官如常儀

儀禮司設百官侍立位于文樓南設玉帛

案于殿內之東鼓三嚴文武官俱朝服至

侍立位東西相向鍾聲止奏請

陞殿

皇帝具皮弁服導

駕官奉引如常儀樂作陞座樂止鳴鞭訖序  
班舉王帛案置殿中引正使副使入就拜  
位贊鞠躬樂作贊四拜平身外制官  
詣

御前跪承

制俯伏興由東門稍東出序班舉王帛案隨之  
置丹墀中道承制官稱有

制贊禮贊跪宣

制曰今聘某官某女爲

某王妃命卿等行納徵禮贊禮贊俯伏興樂  
作四拜平身樂止儀禮司奏禮畢

駕興樂作鳴鞭樂止引禮引王帛案由

奉天門東門及

午門東門出置王圭玄纁于采與執事官引  
文樓下儀物由

午門東門出以次陳列正副使

御橋外易服乘馬至妃家妃家前一日設正副  
使幕次于大門外道左南向設香案于正

堂中設受玉帛案于香案之南其日禮物  
至妃家引禮捧玉圭玄纁先行正副使隨  
之至幕次執事者陳禮物及筵席等物于  
正堂捧玉帛者俟于幕次東西相向禮官  
一員先入至正堂立于東西向主婚者出  
見立于西東向禮官曰奉

制命正使其官某副使其官某爲

某王行納徵禮引禮引主婚者出迎引禮引  
正使捧圭副使捧玄纁先行主婚者隨行

引禮引至正堂置王圭玄纁于案正使立  
于案之左西南向副使立于案之右東南  
向贊禮引主婚者就拜位贊鞠躬四拜興  
平身贊詣前跪贊捧圭正使捧王圭授主  
婚者主婚者受王圭以授執事者執事者  
跪受興置于案贊捧帛副使捧玄纁授主  
婚者主婚者受玄纁以授執事者執事者  
跪受興置于案贊主婚者俯伏興平身贊  
復位贊四拜興平身禮畢正副使出主婚

者至正副使前致詞云請禮從者酒饌畢  
主婚者捧帛以勞正副使正副使出主婚  
者送至門外正副使詣

皇帝前復

命妃家四儀從

西華門入內官監官奏

聞

定親禮物

金五十兩



珍珠一十兩

用紅綠紗銷金袋二箇

花銀四百兩

各色紵絲四十疋

用紅綠羅銷金束子一百二十箇

大紅羅二疋

用紅綠羅銷金束子六箇

生紗二疋

用紅綠羅銷金束子六箇

裏絹四十疋

綿臙脂一百箇

金花臙脂二兩

用抹金花銀合一對計六兩重

鉛粉二十袋計一十兩重

用紅綠羅銷金袋一箇

北羊四牽

用紅綠絹銷金蓋襖四條并牽羊紅麻索四條

豬二口

鷺二十隻

酒八十瓶

用紅綠羅銷金小蓋襖八十條每條墜角折二錢四箇

圓餅八十箇

用紅紙花貼面

末茶一十袋

用紅綠羅銷金袋一十箇

果六合

白熟米二石

升作四合每合上用染紅米二

麵四十袋

用紅紙花貼面

媒人

紵絲二疋

用紅綠羅鋪金束子六箇

裏絹二疋

開合

紵絲一疋

用紅綠羅鋪金束子六箇

裏絹一疋

以上禮物媒人拜內官一員送至妃

家

媒人就引妃家回奉禮物從

西華門入如命官則

皇帝前後

命如命婦則

皇后前後

命

納徵禮物

王穀圭一枝

累王圭錦袋二件盛王圭錢金雲鳳珠紅木匣一箇內錦

片襦一

玄纁紵絲五疋

玄三疋纁二疋用紅綠羅銷金束子十五箇

珠翠燕居冠一頂

冠蓋全

冠上大珠博鬢結子等項全金鳳二箇  
金寶釵花二十七箇金簪一對冠上珊  
瑚鳳冠嘴一副

燕居服四套

大紅紵絲一件  
大紅線羅一件

大紅素紗一件  
青線羅一件

大帶四條

內大紅線羅三條青線羅一條

玉帶一副

王事件九件

金事件二件

王花朵結綬一副

紅絲線羅采結大紅線羅繫帶

采結上王綬花一箇

綬帶上王墜珠六顆

綬帶上金垂頭花板四片金葉兒六箇

白玉鈎碾鳳文佩一副

王事件二十件

串珠全

金鈎二箇

紅羅銷金夾袂大小五條

包燕居服及王革帶等

珠面花四副

珠花四枝

金脚八錢重

金脚四珠環一雙

金脚五錢重

梅花環一雙

金脚五錢重

金釵花釧一雙

二十兩重

金光素釧一雙

二十兩重

金龍頭連珠鐲一雙

一十四兩重

金八寶鐲一雙

八兩重外寶石一十四塊

金四百兩

九成色二百兩八成色二百兩

花銀一千六百兩

玕珠二十四兩 用紅綠紗銷金袋二箇

寶鈔五十貫

乘馬四匹 紅籠頭錦鞵四副

各色紵絲六十疋 用紅綠羅銷金束子一百八十箇

各色綾六十疋 用紅綠羅銷金束子一百八十箇

各色紗六十疋 用紅綠羅銷金束子一百八十箇

各色羅六十疋 用紅綠羅銷金束子一百八十箇

各色錦六十疋 用紅綠羅銷金束子一百八十箇

大紅羅四疋 用紅綠羅銷金束子一十二箇



生紗四疋

用紅綠羅銷金束子一十二箇

各色綃三百疋

白綿二十斤

臘脂二合二兩重

金臘脂合一對一十兩重

鉛粉二十袋一十兩重

用紅綠羅銷金袋二箇

北羊三十二隻

用紅綠羅銷金蓋袂三十條羊紅麻索三十二條

猪一十六口

鷺三十二隻

酒二百瓶

用紅綠羅銷金蓋袂二百條每條墜角折二銀錢四箇

末茶三十二袋

用紅綠羅銷金袋三十二箇

果二十合

響糖二合

芝麻纏糖二合

茶纏糖二合

砂仁糖二合

胡桃纏糖二合

木彈二合

蜜煎二合

棗子二合

乾葡萄二合

胡桃二合

圓餅六百箇

用紅紙花貼面

白麵一百二十袋

用紅紙花貼面

紅紗罩盞大小一十二箇

媒人

紵絲一十二疋

用紅綠羅銷金束子三十  
六箇

開合

紵絲八疋

用紅綠羅銷金束子二十四箇

餐冊命使

其日清晨內官監錦衣衛尚寶司教坊司  
文武執事等官于

奉天殿陳設如納徵儀儀禮司設冊案于殿

內之東承制官持節官位于殿內之東西  
向設正使副使拜位于丹墀正使在東副  
使在西錦衣衛設蓋冊黃傘一于殿門外  
禮部陳設采輿于

午門外內官陳

王妃鳳轎儀仗于采輿之南鼓三嚴引禮引  
文武官入就侍立位鐘聲止儀禮司跪奏  
請陞殿

皇帝服皮弁服導駕官奉引如常儀樂作陞座

樂止捲簾鳴鞭訖引禮引正副使各就拜  
位贊禮贊鞠躬樂作贊四拜興平身樂止  
承制官詣

御前跪承

制俯伏興由東門稍東出持節官舉節舉冊官  
舉案隨行亦由東門稍東出校尉擎傘遮  
護冊行至丹墀

御道中持節官立于案東西向傳制官稱有  
制贊禮鳴跪宣

制曰今冊某官某女爲

某王妃命卿等持節行禮贊禮贊俯伏興鞠  
躬四拜興平身樂止持節官以節授正使  
引禮引節冊及正副使由東道至

奉天門東門出至

午門外置冊于采輿儀禮司官奏禮畢

駕興樂作百官捲班以次出儀仗鳳轎前行  
引禮引節及采輿正副使隨行過

御橋易服持節正副使俱上馬至妃家行冊禮

冊至妃家

是日妃家先設幕次于大門之外南向設香案于正廳冊使至引禮引正副使至幕次禮官先入見主婚者禮官曰奉

制命正使某官某副使某官某持節行冊禮主婚者出迎引禮引正使持節副使捧冊入主婚者隨行至正廳正副使立于香案東南向引禮引主婚者至拜位贊禮贊鞠躬四拜興平身退立于西南引禮引接冊內

官詣前贊禮贊舉冊副使以冊授內官內  
官跪受訖贊禮贊請詣中堂行禮內使二  
人引捧冊內官入中堂正副使仍前立候  
內官出告行禮畢正使副使以節出主婚  
者請禮正副使如納徵儀其日妃家陳設  
香案于中堂設冊案于香案之南設

妃拜位于冊案之南

妃服翟衣訖俟內官捧冊入置于案贊禮女  
官一員居東一員居西在



妃拜位前相向立宣冊女官展冊女官立于  
東引禮女官二員分左右引

妃出房至冊案前拜位女使執事者立于西  
贊禮女官贊四拜興宣冊女官稱有

制女官贊跪

妃跪贊宣冊宣冊女官詣冊案前取冊立宣  
于香案東女官宣冊訖以冊入於盥贊受  
冊宣冊官捧冊立授

妃妃受冊女官贊以冊授執事者

妃以冊授女使跪受興置于案女官贊

妃興又贊四拜禮畢內官出告正副使行禮

畢執事者徹香案冊案設

妃座引禮請

妃陞座衆命婦及應賀者序立于庭北向贊

四拜禮畢

妃降座

祭冊禮物

金冊一副

冊葉計足色金一百兩重每葉高一尺一寸闊五寸周尺

精開錦一片

紅絹裏

聯貫開葉

用紅絲絛

墊開錦褥一箇

紅絹裏

裏冊紅羅銷金小夾袂一條

渾金瀝粉雲鳳冊盃一箇

內用紅紵絲  
絮襯花銀紅

銀一副一兩二錢重  
嵌銀絲鈇鎖一副

覆盃紅羅銷金大夾袂一條

九輦四鳳冠一頂

冠上大花九樹小花九樹寶鈿九箇翠

雲博鬢描金珠皂羅額珠眉心珠牌環  
金冠上金鳳四箇環脚一雙

翟衣三套描金雲鳳沉香色木匣一箇

繡索  
扣全

青紵絲繡翟衣一件青紵絲繡蔽膝一  
件玉色線羅中單一件紅綠襖

青紗繡翟衣一件青紗繡蔽膝一件玉  
色紗中單一件

青紅線羅銷金大帶一條上有青紵絲副

帶一條

五色線錦綬一副上有玉環二箇青紅羅

采結全

白玉鈎礪鳳文珮一副

玉事件二十件

串珠全

金鈎子并圈二箇

五色線錦襯一副

白玉革帶一副

青紵絲裏鞞指金文翟文

玉事件一十件

金事件五件

青紵絲烏一雙

上有珠六顆

青羅靴一雙

紅羅銷金夾袂大小五條

包裹裙衣玉佩玉帶等用

鳳轎一乘

錦坐褥一箇

錦踏褥一箇

紅交牀一把

紅穿條全

紅簾一扇

青羅銷金沿邊緹帶全

紅羅銷金轎衣一件

漚水頂單全

紅油絹銷金兩轎衣一件

漚水頂單全

朱結四串抹金銀香圓寶蓋四副

件共

花銀一十六兩

儀仗

紅杖二

清道旗二

絳引旛二

戟麾二

班劍二

結子絹袋全

儀刀二

結子紅絹袋全

梧杖二

絹袋全

鐙杖二

絹袋全

立瓜二

絹袋全

卧瓜二

絹袋全

骨朶二

絹袋全

響節四

絹袋全

紅繡傘

一把 絹袋全



青方傘二把 絹袋襖全

紅繡團扇四把 絹袋全

青繡團扇四把 絹袋全

紅紗燈籠四箇 竿全

拂子二箇 結子全

坐障一 竿全

行障二 竿全

抹金交椅脚踏一副 除木外計花銀一百兩重搭座踏墊

結子全

抹金銀水罐一箇

六十兩重

抹金銀水盆一箇

六十兩重

抹金銀唾壺一箇

十六兩重

抹金銀唾盂一箇

十六兩重

抹金銀香鑪一箇

十六兩重

抹金銀香合一箇

十六兩重

擎執官人銷金羅袍一十四領抹金釵花

銀帶一十四條翠花紗帽一十四頂皂

麂皮靴一十四雙

女轎夫衣袍一十六領汗袴一十六副銅束帶一十六條花紗帽一十六頂紅綿布翰鞵一十六雙

催妝禮物

北羊二隻

紅綠絹銷金蓋袱二條

酒二十瓶

紅綠羅銷金蓋瓶祇二十條每條墜角折二銅錢四箇

果二合

用花四枝

以上禮內官一員送至妃家

鋪房

妃家於親迎前擇日將房奩牀帳等物至王府鋪房禮部預先奏知至日妃家備鼓樂迎引從

午門東角門入鼓樂止於闕西妃母或親戚入

內陳設

醺戒

其日內官監設

上位

中宮御座于宮中設大樂儀仗于

丹陛之東西執膳內官先備酒金爵果合以俟

上位服皮弁服

中宮燕居服出樂作陞座樂止

王服袞冕贊引引

王由殿東門入詣

上位前贊禮贊鞠躬樂作贊四拜興平身樂止  
執事者以爵斟酒立于

御前之東贊禮贊

王詣前跪贊搢圭贊受爵執事者以爵立授  
王王受爵飲訖以爵授執事者執事者跪受  
以退贊禮贊出圭恭聽

戒命隨旨意致戒辭

王聽戒辭訖贊俯伏興平身復位贊鞠躬樂  
作贊四拜興平身樂止贊禮引

王詣

中宮前禮同贊禮畢引禮引

王出釋衮冕具皮弁服行親迎禮

妃家醮戒

親迎日妃家先於祠堂陳設祭物

妃服燕居冠服妃父母同

妃詣祖宗前奠酒讀祝禮畢執事者具酒饌  
命

妃飲食訖父母坐于正堂女執事引

妃詣父母前各四拜父母隨意致戒辭

妃聽受訖次辭諸尊長禮畢改服翟衣以俟

親迎

其日儀衛司先設

王儀仗象輅于

承天門外妃家先設

王幕次于中門之外設香案帛案于正堂之

中是日

王受

命訖引禮引

王由



午門東門出典儀具服跪請陞輅

王陞輅儀從前導過

御橋樂作至妃家門外引禮跪請

王降輅導引至幕次禮官一員先入至正廳  
立于東西向主婚者出見立于西東向禮

官曰

某王奉

制行親迎禮引禮二人具服引主婚者迎

王于幕次之外內官二員具服引

王出幕次主婚者請

王入中堂

王先行主婚者後隨內官具服捧禮物入至  
于中堂主婚者進立于堂中之左妃母立  
于堂中之右東西相向

王至中堂女執事二人引

妃出房立于妃母之下內官引

王至案前內官捧帛進

王王以帛置于案內官引

王稍退近東西向立贊禮引主婚者詣帛案  
前行八拜禮退復位執事者徹案引禮內  
官導

王先出女轎夫舉鳳轎至于中門之內內官  
具

妃儀仗于中門之外女執事引

妃出內官跪啟請

王詣轎所啟請揭簾妃陞轎內官啟請

王陞輅前行妃具儀從後行

王至

承天門外降輅候

妃至內官跪啟請

王揭簾妃降輜

王先行至內釋皮弁服具袞冕至

奉先殿前俟妃入

午門陞輜將至

奉先殿降輜行

廟見禮

三國典  
廟見

是日內官于

奉先殿陳設牲醴祝帛訖每廟猪一羊一帛二  
共一筐祝共一贊引二人引

王二人引妃至

奉先殿詣

德祖玄皇帝皇后神御前

王在東妃在西贊

王與妃皆兩拜贊跪

王跪妃亦跪贊摺圭

王摺圭贊進帛執事者以帛跪進于

王右贊受帛

王受帛以授執事者贊奠帛執事者以帛奠  
神御前贊進爵執事者以爵跪進于

王右贊受爵

王受爵以授執事者贊獻爵執事者以爵奠  
于

玄皇帝皇后前贊再進爵執事者以爵進贊受

爵

王受爵以授執事者贊獻爵執事者以爵莫  
于

玄皇帝皇后前贊俯伏興

王俯伏興妃亦興贊

王復位贊

王與妃皆兩拜平身次詣

懿祖皇帝皇后

熙祖皇帝皇后

仁祖皇帝皇后儀同上贊詣讀祝位

王詣讀祝位贊跪

王跪妃亦跪讀祝訖贊俯伏興平身

王俯伏興平身妃亦興贊

王復位贊

王與妃皆兩拜平身贊執事者捧祝帛各詣

燎所贊詣燎位

王與妃詣燎位贊禮畢引禮引



午門入內官監官奏

畢

其後醮戒親迎謁見合巹朝見回門禮俱  
同洪武二十六年

弘治中續定

納徵

上先具袞冕詣

奉先殿用樂祭告禮畢然後易皮弁服傳

制

王受醮戒

是日內執事設

太皇太后

皇太后御座于宮中設大樂儀仗于

丹陛之東西執膳內官先備酒金爵果合以

候

太皇太后具燕居服樂作陞座樂止

王服衮冕贊引引

王由東門入詣

王與妃皆舉饌訖女官再以盃盞酌酒令和以進

王與妃皆飲訖又進饌

王與妃皆舉饌凡三舉酒饌畢執事者徹饌

### 案贊

王與妃興就拜位相向贊兩拜禮畢

王從者餽妃之饌

妃從者餽

王之饌

朝見

第二日清晨

王冕服妃翟衣贊引各啟請出宮至宮門外  
以俟

皇帝服皮弁服

皇后服燕居服陞座贊引引

王及妃自東門入

王先入妃從之贊禮贊詣

皇帝前王立于東妃立于西宮人以棗栗盤立

于

妃之右贊

王與妃皆四拜執事者二人舉案至

皇帝前正中宮人以棗栗盤授

妃妃捧棗栗盤置于案上執事者舉案

妃隨捧進至

皇帝前妃復位贊禮贊

王與妃皆四拜興贊引引

王及妃詣

皇后前宮人以暇修盤立于

妃左贊

王與妃皆四拜興執事者二人舉案至

皇后前正中宮人以暇修盤授

妃妃捧暇修盤置于案上執事者舉案

妃隨案進至

皇后前妃復位贊四拜

王與妃皆四拜興執事者以

皇帝前棗栗案徹于東

皇后前殿修案徹于西贊禮畢贊引引

王及妃出是日

賜王與妃宴

盥饋

第三日清晨

妃服翟衣贊引引

妃出陞輿將至

宮內門降輿由東門入俟膳至贊引引

妃詣

皇帝前贊四拜尚食以膳授

妃妃捧膳置于案復位又贊四拜贊引引  
妃詣

皇后前禮同贊引引

妃退立于西南俟膳畢贊引引

妃出

王與妃見東宮

是日

王與妃朝見訖



王具皮弁服

妃服翟衣詣

東宮前行四拜禮

東宮皮弁服坐受

東宮妃翟衣立受兩拜答兩拜

回門

其日內官先將禮物至妃家

王與妃儀仗導從如常儀

王先行至妃家妃父出迎

王先入妃父從之至正廳

王立東西向妃父立於西東向

王於妃父母前行四拜禮妃父母立受兩拜  
答兩拜禮畢

王中坐其餘親屬見

王行四拜禮

王皆坐受

妃至入中堂於父母前行四拜禮父母正面  
坐受其餘親屬見

妃各序家人禮

四門禮物

花銀三百兩

雜色紵絲三十二疋

紅綠羅銷金束子九十六箇

北羊四隻

紅綠羅銷金蓋袱四條紅麻索

酒四十瓶

紅綠羅銷金蓋袱四十條

果四合

供用器皿

金器

壺瓶一對

六十兩重

酒注一對

六十兩重

孟子一對

二十兩重

贊禮盤二面

六十兩重

盤盞二副

二十兩重

託裏胡桃木椀四箇

六十四兩重

楞邊胡桃木託子四箇

五兩重

託裏胡桃木鍾子一對

一十一兩重

撒盞一對

八兩重

葫蘆般盃一副 一十兩重

茶匙一雙 一兩重

匙一雙 五兩重

箸二雙 五兩重

銀器

果合一對 一百六十兩重

汁瓶二對 一百兩重

茶瓶一對 五十兩重

湯鼓四箇 八十兩重

按酒櫟一十二箇四十二兩重

果櫟一十二箇三十兩重

菜櫟一十二箇二十四兩重

漆器

朱紅戩金大托盤二面紅紗罩二

朱紅戩金饅頭肉盤四箇紅紗罩二

小車子一乘貼金釘鉸全并頂上抹金銅

火珠一箇四角銅鳳四箇

紅紵絲車衣一副頂裙瀝水頂裏紫羅

帶全錦坐褥一箇黃綿布骨子黃絹裏  
綿花裝

紅平羅車衣一副頂裙瀝水頂裏絹紫  
羅帶全

錦靠褥二箇綠紵絲邊黃綿布骨子黃  
絹裏綿花裝

紅素油絹雨衣一副

紅油儀仗木架二座

二十七年更定

凡

親王納妃預擇親迎日期別擇日行定親納  
徵發冊催粧等禮其禮物仍依節次名數  
同日給送

納徵發冊催粧

前期一日內官監禮部儀禮司設冠服首  
飾金銀段疋等儀物于文樓下設玉帛案  
冊案并節于

奉天殿內至日早禮部設采輿教坊司設樂



于

午門外內官設

王妃鳳轎儀仗於采輿之南

皇帝具皮弁服陞殿百官侍班正副使先行四  
拜禮執事官舉節及王帛案冊案至丹墀  
置案於中道持節俟立傳制官由殿東門  
出稱有

制贊跪傳制官宣

制曰今聘某官某女爲

某王妃命卿等持節行納徵發冊等禮正副使又四拜禮畢執事官以節授正使引禮引節拜玉帛案冊案冠服等物至

午門外置冊及玉帛於采輿冠服等物以次陳列而行

### 妃家受聘

前期一日妃家設香案節案于正堂中玉帛案冊案相向至日禮物至妃家主婚者出迎引禮引正使持節副使捧冊執事者

捧玉帛至正堂各置于案正副使立于案  
左右冠服等物以次陳列禮官一員立於  
左主婚者立於右禮官曰奉  
制命正使某官某副使某官某爲

某王行納徵發冊等禮引禮引主婚者詣香  
案前行四拜禮執事官捧王圭玄纁主婚  
者先受王圭次受玄纁各授執事再行四  
拜禮畢內官先以冠服進于

妃具服訖內官詣冊案跪捧冊入中堂置于

案引禮文官引

妃出至冊案前行四拜禮跪女官宣冊訖

妃受冊以授執事者再行四拜禮畢執事者

設

妃座引禮請

妃陞座妃家應賀者行四拜禮正副使俟內

官出告行禮畢持節出主婚者送至門外

正副使回朝復

命妃家回奉禮物從

午門入內官監官奏

聞

其後醮戒親迎謁見合巹朝見圓門禮俱  
同洪武二十六年

弘治中續定

納徵

上先具袞冕請

奉先殿用樂祭告禮畢然後易皮弁服傳

制

王受醮戒

是日內執事設

太皇太后

皇太后御座于宮中設大樂儀仗于

丹陛之東西執膳內官先備酒金爵果合以

候

太皇太后具燕居服樂作陞座樂止

王服袞冕贊引引

王由東門入詣

太皇太后前贊鞠躬樂作贊四拜興平身樂止  
執事者以爵斟酒立於東贊禮贊

王詣前跪贊搢圭贊受爵執事者以爵立授  
王王受爵飲訖以爵授執事者執事者跪受  
以退贊出圭恭聽

戒命曰往迎爾相用成厥家勉率以敬爲國  
之光

王聽戒辭訖贊俯伏興平身贊復位贊鞠躬  
樂作贊四拜興平身樂止贊禮畢贊禮引

王詣

皇太后宮門外由東門入詣

皇太后前贊鞠躬樂作贊四拜興平身樂止執  
事者以爵斟酒立于東贊禮贊

王詣前跪贊揖圭贊受爵執事者以爵立授  
王王受爵飲訖以爵授執事者執事者跪受  
以退贊禮贊出圭恭聽

戒命曰往迎爾相承厥家事勉率以敬無忝  
戒命



王聽訖贊俯伏興平身贊復位贊鞠躬樂作  
贊四拜興平身樂止贊禮畢贊禮引

王詣

上位宮門外候

上具常服

皇后具燕居服陞座贊禮引

王詣

上位前行五拜三叩頭禮畢引

王出釋袞冕具皮弁服行親迎禮

妃受黜戒禮同前

朝見

第二日清晨

王冕服妃翟衣贊引各啟請出宮至皇城內  
宮門外以俟

太皇太后服燕居服陞座贊引引

王及妃自東門入

王先入妃從之贊禮贊詣

太皇太后前

王立于東妃立于西宮人以殿修盤立于

妃之左贊

王與妃皆四拜執事二人舉案至

太皇太后前宮人以脰修盤授

妃妃捧脰修盤置于案執事者舉案

妃隨案進至

太皇太后前妃復位贊

王與妃皆四拜興執事者徹脰修盤案于東

贊禮畢引

王與妃出詣

皇太后宮前俟

皇太后燕居服陞座引禮引

王及妃自東門入詣

皇太后前進殿修盤行禮同前畢出詣

上位宮前俟

上具常服陞座贊引引

王及妃自東門入詣

上位前進棗栗盤

皇后前進殿修盤行禮同前畢贊引引

王及妃出是日

賜王與妃宴

王與妃見東宮禮同前

盟饋

第三日清晨

妃服翟衣贊引引

妃出陞輿將至宮內門降輿由東門入俟膳

至贊引引

妃詣

太皇太后前贊四拜尚食以膳授

妃妃捧膳置于案復位又贊四拜贊引引  
妃退立于西南俟膳畢引

妃出詣

皇太后前行禮同復詣

上位前

皇后前行禮同

會典六

凡

世子

郡王以下婚禮納徵催粧鋪房醮戒親迎廟

見合卺朝見回門俱倣

親王禮行但禮物降等先期選定奏

聞于朝遣官持節行冊命禮

皇明典禮

勤美曰

親王始

封婚禮多舉之

內廷則人倫之始所必重也且

國初派屬未遠得一切取辦縣官故不但文詳

而儀亦腆

仁宣以後漸廢格矣今

親郡王納徵等儀何能如會典所列而猶然  
冕而親迎亦古禮之未盡漸乎



爵秩

天子之支子授以金冊金寶封爲

親王妃授以金冊

洪武初製妃寶旋革

親王嫡長子授以金冊金寶

封爲世子妃授以金冊

妃寶今革

親王嫡次子及庶子授以鍍金冊銀印

封爲郡王妃授以鍍金冊

妃印今革

世子嫡長子

封爲世孫嫡次子及庶子

封爲鎮國將軍世孫嫡長子

封爲世曾孫次子封爲輔國將軍配俱封夫人

給

誥命

郡王嫡長子

封爲長子一品孫

封爲長孫二品配俱封夫人諸子

封爲鎮國將軍三品今定

永樂

從一品配封夫人

孫

封爲輔國將軍四品今定從二品配封夫人曾孫

封爲奉國將軍五品今定從三品配封淑人玄孫

封爲鎮國中尉六品今定從四品配封恭人五世孫

封爲輔國中尉七品今定從五品配封宜人六世孫

封爲奉國中尉八品今定從六品配封安人俱

給

誥命六世孫以下俱世授奉國中尉配俱封安人給

誥命

親王女曰郡主儀賓從二品

郡王女曰縣主儀賓從三品

鎮國將軍女曰郡君儀賓從四品

輔國將軍女曰縣君儀賓從五品

奉國將軍女曰鄉君儀賓從六品以下世做

此隸宗人府嘉靖三十二年三中尉女輩  
封夫授宗婿職事

鎮國中尉婿七品

輔國中尉婿八品

奉國中尉婿九品

靖江王府比正支郡王遞減一等稱呼女封  
縣君將軍亦遞減一等

勤美曰

國家稽古法爵同姓王二等將軍三等中尉

三等主君五等制犁然備矣乃今圭組之  
尊儼然列辟而將軍以下世封斬然或且  
夷于萌隸夫其失封由失報也報生自有  
故事何用貲爲而貧者遂以終身不振此  
其故可釋矣語云皮之不存毛將焉附  
親親者葛藟之思乃不伸于胥史異哉

冠服

附欽頒冠服數目

親王冠服

袞冕

凡助祭謁

廟正旦冬至

聖節則服之

見職掌

受冊納妃亦同

見集禮

洪武二十六年定

袞冕服九章

冕五采玉珠九旒紅組纓青纁充耳金簪

導

圭長九寸二分五釐

青衣纁裳衣五章織山龍華蟲火宗彝裳  
四章織藻粉米黼黻

白紗中單黻領青緣

蔽膝隨裳色織火山二章

革帶金鉤鑠佩玉

綬五采赤白玄纁綠織成純赤質三百二  
十首小綬三色同大綬間織三玉環



大帶表裏白羅朱綠緣

白襪朱履

永樂三年定

冕冠玄表朱裏前圓後方前後各九旒每  
旒各五采纁九就貫五采玉九赤白青黃  
黑相次玉衡金簪玄紬垂青纁充耳用青玉  
承以白玉瑱朱紘纓

玉圭長九寸二分五釐以錦約其下拜頤  
袞服九章青衣五章龍在肩山在背火華

蟲宗彝在袖

每袖各三

皆織成本色領標襪裾

纁裳四章織藻粉米黼黻各二前三幅後

四幅不相屬共腰有襷積本色紕褻

中單以素紗爲之青領標襪裾領織黻文

十一蔽膝隨裳色四章織藻粉米黼黻各

二本色緣有紃施于縫中其上玉鈎二

玉佩二各用玉珩一瑀一琚一衝牙璜二

珮下有玉花花下垂二玉滴瑑雲龍文楠

金自珩而下繫組五寶以玉珠上有金鈎

小綬四采以副之四采赤白縹綠纁質  
大帶素衣朱裏在腰及垂皆有緝上緝以  
朱下緝以綠紐約用青組

大綬四采赤白縹綠小綬三采間施二玉  
環龍文皆織成纁質

襪舄皆赤色舄用黑絢純黑飾舄首

嘉靖九年禮部題各

王府所用袞冕冠服當改正者如中單之制  
則領不宜用織黼而

親王

世子

郡王當有等級錦綬之制則當以玉爲環施之綬間不宜以織絲代玉蔽膝之制

親王

世子四章織藻粉米黼黻各二而

郡王章二無藻粉米其冕冠玉圭中單大帶蔽膝大小襪舄各縫舊惟青衣纁裳係應禁之物當造自內府

奏請頒給而王帶王環王珮聽自爲之

皮弁服

凡祭祀親迎及進賀

中宮箋文則服之見會典

永樂三年定

皮弁用烏紗帽之前後各九縫每縫中綴  
五采玉九縫及冠武弁貫簪繫纓處皆飾  
以金金簪朱纓

王圭如冕服內制

絳紗袍本色領襍襪裾

紅裳如冕服內裳制但不織章數

中單以素紗爲之如涼衣制紅領襍襪裾

領織黻文十一

蔽膝隨裳色本色緣有紉施于縫中其上

玉鈎二

玉佩如冕服內制但無雲龍文有小綬四

采以副之

大帶

大綬

鞞舄赤色皆如冕服內制

常服

洪武元年定

烏紗折上巾

永樂三年定

冠烏紗折角向上巾

亦名翼善冠

袍赤色盤領窄袖前後及兩肩各金織蟠

龍一帶用玉紅鞵

靴皂皮爲之金線

保和冠服

嘉靖七年定

冠制以燕弁爲準

親王用九袂

服用青身青緣前後方龍補各一身用素  
地邊用雲采妝襯用深衣玉色

帶青表綠裏綠緣

履用皂綠結白韞



御製

保和冠服圖說

朕惟自古帝王之制禮皆推已以及人而  
其施固當自親睦九族所以盡制盡倫有  
和萬邦先於親睦九族所以盡制盡倫有  
典有則也朕以眇躬入承大統負荷之重  
夙夜靡寧切念有天德然後可以語王道  
其要只在謹獨故酌古玄端之制爲之燕  
弁冠服庶幾檢約身心以爲燕居之戒題  
因輔臣之請推爲之制命之曰忠靖冠服  
錫于有位朕以嘗念及宗室諸王其制尚  
未之備欲圖之未遑也今光澤王所請實  
有獲於朕心者其敬慎好禮之意良可嘉  
焉朕因酌燕弁及其忠靖冠服之制復爲之  
製式使之上無所僭下無所偏具載圖說  
命之曰保和冠服夫上下之分猶天地之  
不可易各知其分然後能相保而國家治  
安今自郡王長子以上其製式開載已明  
鎮國將軍輔國將軍奉國將軍鎮國中尉

輔國中尉奉國中尉以及左右長史審理  
正副紀善教授伴讀等官俱宜照忠靖冠  
服以品官之制服之其郡縣鄉君儀賓雖  
各有品級然非儒官比不得築服其餘各  
官不在開坐之數並不許服以防過濫於  
戲親欲貴也愛欲富也故禮制宜從敦崇  
名以命之器以別之故品節不容假借夫  
忠靖冠服品式之不同者尊賢之等也保  
和冠服品式之不同者親親之殺也等殺  
既明名分攸定庶幾知所保矣保斯和和  
斯安此固錫名之義也孟軻氏曰樂天者  
保天下畏天者保其國禮部其以圖說頒  
布諸王府

# 親王妃冠服

## 禮服

凡受冊助祭朝會則服之

見集禮

洪武三年定

冠飾以九翬四鳳花釵九樹小花如大花之數兩博鬢九釵翟衣青質五色九等繡翟編次于衣及裳素紗中單黻領朱縠褙褙裾蔽膝隨裳色以緞爲領緣繡翟爲章二等大帶隨衣色王革帶青鞵烏佩綬

永樂三年定

九翟冠二頂冠以皂縠爲之附以翠博山

飾以大珠翟二小珠翟三翠翟四皆口銜  
珠滴冠中寶珠一座前後珠牡丹花二朵  
蕊頭八箇翠葉三十六葉珠翠穠花鬢二  
朵承以小連雲六片翠頂雲一座上飾珠  
九顆珠翠雲十一片翠口圈一副金寶鈿  
花九箇上用珠九顆金鳳一對口銜珠結  
金簪一對

珠翠牡丹花穠花各二朵面花二對梅花  
環四珠環各一雙

大衫霞帔衫用大紅紵絲紗羅隨用霞帔  
以深青爲質金繡雲霞鳳文紵絲紗羅隨  
用金墜子亦銀鳳文

四袂襖子

子

桃紅色金繡團鳳文紵絲

紗羅隨用

鞠衣青色如深衣制胸背金繡雲鳳文紵  
絲紗羅拜各色隨用惟不用黃燕居服用  
素

大帶青綠羅爲之有緣或用紅羅

王穀圭長七寸刻其上琢穀文以錦約其  
下并韻

王革帶青綺鞋描金雲鳳文王事件十金  
事件三

王花采結綬以紅綠線羅爲結上有王綬  
花一琢寶相花文綬帶上王墜珠六顆并  
金垂頭花板四片小金葉六箇紅線羅繫  
帶一

王佩二珩以下琢雲鳳文描金上有金鈎

青鞵烏鞵以青線羅爲之烏用青綺飾以  
描金雲鳳文皂線純每烏首加珠三顆

常服

洪武三年定

犀冠刻以花鳳首飾釧鐲用金玉珠寶翠  
諸色團領衫金繡花鳳惟不用黃帶用金  
玉犀

洪武四年定

山松特髻假鬢花鈿或花釵鳳冠真紅大

袖衣霞帔紅羅裙紅羅褙衣用織金及繡鳳文

親王次妃冠服

洪武四年定

九輦二鳳冠一頂皂羅額珠眉心全珠牌  
環一雙翟衣三襲繡翟八等青紵絲翟衣  
青紵絲繡蔽膝玉色羅繡黼領中單各一  
青羅繡翟衣青羅繡蔽膝玉色羅繡黼領  
中單各一青紗繡翟衣青紗繡蔽膝玉色



紗繡黼領中單各一青紅羅銷金大帶一  
青紵絲副帶一五色線錦綬一副玉環二  
綵結金玉佩一副金鈎二玉華帶一嵌珠  
青烏青羅襪各一

世子冠服

裘冕

凡遇

聖節千秋節并正旦冬至進賀表箋及其父王  
生日諸節慶賀則服之

洪武二十六年定

冕三采玉珠七旒紅組纓青纊充耳金簪  
導

圭長九寸

青衣纁裳衣三章織華蟲火宗彝裳四章  
織藻粉米黼黻

素紗中單青領襪赤黻

革帶佩白玉玄組綬

綬紫質用紫黃赤三采織成間織三白玉

環

白韞赤舄

永樂三年定

冕冠玄表朱裏前圓後方前後各八旒每  
旒五采繅八就各貫三采玉珠八赤白青  
色相次玉衡金簪玄紃垂青纁充耳用青玉  
朱紘纓承以白玉瑱

王圭長九寸以錦約其下并韻

青衣纁裳七章青衣三章火一在肩其二

與華蟲宗彝各三在兩袖皆織成本色領  
標襖裾纁裳四章織藻粉米黼黻各二前  
三幅後四幅不相屬共腰有襞積本色紕  
褻

中單以素紗爲之青領標襖裾領織黻文  
九

蔽膝隨裳色四章織藻粉米黼黻各二本  
色緣有紉施于縫中其上玉鈎二

玉佩二如

親王之佩制珩以下琢雲龍文上有金鈎以  
小綬四采副之四采赤白縹綠纁質

大帶素表朱裏在腰及垂皆有緝上緝以  
朱下緝以綠紐約用青組

大綬四采赤白縹綠纁質小綬三采間施  
二玉環皆織成

鞵舄皆赤色舄用黑絢純黑飾舄首

皮弁服

永樂三年定

皮弁用烏紗冒之前後各八縫每縫中綴  
三采玉八縫及冠武弁貫簪繫纓處皆飾  
以金金簪朱纓

王圭如冕服內制

絳紗袍本色領襍襜裙

紅裳如冕服內裳制但不織章數

中單以素紗爲之如深衣制紅領襍襜裙  
領織黻文九

蔽膝隨裳色本色緣有紃施于縫中其上

王鈞二

王佩如冕服內佩制但無雲龍文有小綬  
四采以副之

大帶

大綬

韞舄俱如冕服內制

常服

永樂三年定

冠袍帶靴俱與

親王同

保和冠服與

親王同惟冠八襖

郡王冠服

衮冕

永樂三年定

冕冠玄表朱履前圓後方前後七旒每旒  
五采纁七就各貫玉珠七赤白青色相次  
玉衡金簪玄紃垂青纁充耳

王用青

朱紃纓



承以白玉瑱

王圭長九寸以錦約其下并緡

青衣纁裳五章青衣三章粉米一在肩其  
二并藻宗彝各三在兩袖皆織成本色領  
標褱裾纁裳二章織黼黻各二前三幅後  
四幅不相屬其腰有褱積本色紕褻

中單以素紗爲之青領標褱裾領織黻文  
七

蔽膝隨裳色二章織黼黻各二本色綠有

三國典義 卷之二  
糾施于縫中其上王鈞二

王佩如

親王佩制珩以下琢雲龍文上有金鈞以小  
綬四采副之四采赤白縹綠纁質

大帶素表朱裏在腰及垂皆有緹上緹以  
朱下緹以綠紐約用青組

大綬四采赤白縹綠纁質小綬三采間施  
二玉環皆織成

鞞舄皆赤色舄用黑鈎純黑飾舄首

皮弁服

永樂三年定

皮弁用烏紗冒之前後各七縫每縫中綴  
三采玉七縫及冠武弁貫簪繫纓處皆飾  
以金金簪朱纓

王圭如冕服內制

絳紗袍本色領襖襪裾

紅裳如冕服內裳制但不織章數

中單以素紗爲之如深衣制紅領襖襪裾

領織黻文七

蔽膝隨裳色本色緣有紃施于縫中其上

二鈎二

玉佩如冕服內制但無雲龍文有小綬四  
采以副之

大帶

大綬

韍舄俱如冕服內制

常服

永樂三年定

冠袍帶靴俱與

親王同

保和冠服與

世子同惟冠七襖

郡王妃冠服

永樂三年定

七翟冠二頂冠以皂縠爲之附以翠博山  
飾以大珠翟二小珠翟三翠翟四皆口銜

珠滴冠中寶珠一座前後珠牡丹花二朵  
並頭八箇翠葉三十六葉珠翠穠花鬢二  
朵承以小連雲六片翠頂雲一座飾以珠  
五顆珠翠雲十一片翠口圈一副金寶鈿  
花八箇上用珠八顆金翟一對口銜珠結  
金簪一對

珠翠牡丹花穠花各二朵面花二對梅花  
環四珠環各一對

大衫霞帔衫用大紅紵絲紗羅隨用霞帔

以深青爲質金繡雲霞翟文紵絲紗羅隨  
用金墜子亦鈹翟文

四袂襖子

卽襖子

桃紅色金繡翟文紵絲紗

羅隨用

鞠衣青色胸背金繡雲翟文紵絲紗羅并  
各色隨用惟不用黃燕居服用素

大帶青線羅爲之有緣或用紅羅

玉縠圭長七寸剡其上琢穀文錦約其下

并繡

王革帶青綺鞋描金雲翟文王事件十金  
事件三

王花采結綬以紅綠線羅爲結上有王綬  
花一琢寶相花文綬帶上王墜珠六顆并  
金垂頭花板四片小金葉六箇紅線羅繫  
帶一

王佩二如

親王妃佩制珩以下琢雲翟文描金上有金  
鈎



青鞵烏鞵以青線羅爲之烏用青綺飾以  
描金翟文皂線純每烏首加珠三顆會典  
世孫冠服

袞冕

冕五旒旒用二采玉珠五紅組纓兩玉瑱  
金簪導金衡梁

圭長八寸五分

服五章青衣三章織華蟲宗彝火青領緣  
纁裳二章織藻粉米纁緣白中單青領緣

蔽膝隨裳色章同裳餘與

郡王同

皮弁服

弁用烏紗冒之前後各五縫每縫中綴二  
采玉珠五以爲飾紅組纓金簪導

服與

郡王同

常服並同

郡王

惟世孫用璫不用龍

皇明典禮

永樂間令

親王有長孫者授以

世孫給一品冠服

會典

成化十五年

晉世孫表榮

十七年

襄世孫祐材俱准給世子冠服

後周趙鄭皆請得不備

萬曆十八年要例凡遇迎接

親王

世子有恙

世孫代行禮者亦請給

世子冠服

長子冠服與

世孫同

皇明典禮

永樂間改用一品冠服

朝服

七梁冠大紅素羅衣白素紗中單大紅素

羅裳及蔽膝大紅素羅白素羅二色夾帶玉  
朝帶丹礬紅花錦錦鷄綬玉佩象牙笏白  
絹襪皂皮雲頭履鞋

公服

皂皺紗幘頭大紅素紵絲衣玉革帶

常服

烏紗帽大紅紵絲織金獅子開袂圓領玉  
束帶皂皮銅線靴

保和冠服與

郡王同惟冠如忠靖之制五襖補用織金

長子夫人冠服

珠翠五翟冠大紅紵絲大衫深青紵絲金  
繡翟雞稍子青羅金繡翟雞霞帔金墜頭  
長孫給二品冠服

鎮國將軍冠服與

長子同

永樂間定

袍服花樣除龍鳳文外隨宜製用

鎮國將軍夫人冠服與

長子夫人同

輔國將軍冠服與

鎮國將軍同惟冠六梁帶用犀

輔國將軍夫人冠服與

鎮國將軍夫人同惟冠用四翟抹金銀墜頤

奉國將軍冠服與

輔國將軍同惟冠五梁帶用金鈿花常服大

紅織金虎豹

王國典禮 卷之二  
奉國將軍淑人冠服與

輔國將軍夫人同惟褙子霞帔金繡孔雀文  
鎮國中尉冠服與

奉國將軍同惟冠四梁帶用素金佩用藥玉  
鎮國中尉恭人冠服與

奉國將軍淑人同

輔國中尉冠服與

鎮國中尉同惟冠三梁帶用銀釵花綬用盤

鵠公服用深青素羅常服紅織金熊羆



輔國中尉宜人冠服與

鎮國中尉恭人同惟冠用三翟褙子霞帔金

繡鴛鴦文銀墜頭

奉國中尉冠服與

輔國中尉同惟冠二梁帶用素銀綬用練鵲

幘頭黑漆常服紅織金彪

奉國中尉安人冠服與

輔國中尉宜人同惟大衫用礬丹紅褙子霞

帔金繡練鵲文

嘉靖七年製

將軍中尉燕居冠服

忠靖冠以烏紗冒之兩山俱列于後冠頂  
仍方中微起三梁各壓以金線邊以金緣  
之

鎮國中尉以下去金邊以淺色絲線緣之  
忠靖服用深青以紵絲紗羅爲之

奉國將軍以上用雲

鎮國中尉以下用素邊緣以藍青前後飾以

本等花樣補子深衣用玉色素帶青表綠緣邊并裏素履色用青綠絛結白襪

郡主冠服

永樂三年定與

郡王妃同惟不用圭及少四珠環一對

縣主冠服

珠翠五翟冠大紅紵絲大衫深青紵絲金繡孔雀褙子青羅金繡孔雀霞帔抹金銀墜頭

郡君冠服與

縣主同惟冠用四翟褙子霞帔金繡鴛鴦文

縣君冠服與

郡君同惟冠用三翟

鄉君冠服與

縣君同惟大衫用丹礬紅褙子霞帔金繡練

鵲文

儀賓冠服

儀賓朝服公服常服俱照品級與文武官

同惟笏皆用象牙常服花樣視武官

弘治十三年定

郡主儀賓犀帶胸背獅子

縣主儀賓釵花金帶

郡君儀賓光素金帶胸背俱虎豹

縣君儀賓釵花銀帶

鄉君儀賓光素銀帶胸背俱彪故違僭用者

革去冠帶戴平頭巾於本處儒學讀書習

禮三年方許復職

欽頒王府冠服數目

親王每位 世子同

冕服一副

皮弁服一副

常服一副 以上尚衣監辦

金冊一副

銀事件一副 以上銀作局辦

親王妃 世子妃同

冊盞袂褥銷鑰服匣一副

翠珠九翟冠一項

用藍青冠蓋大紅羅冠單事件全

玉穀圭一枝

匣全

玉綬花一副

玉革帶一條

玉佩玕璫一副

玉禁步一副

合香串一副

錫合一箇

烏料一副

珍珠全

禮服匣一座

以上內官監辦

金冊一副

金鳳一對

金簪一對

金墜頭一箇

金寶鈿花九箇

九翟冠頂上用

玉革帶事件一副

玉佩玎璫鈎二箇

綵結垂頭花葉一副

玉綬花葉以上銀作局辦



大衫大紅素紵絳一件

表紵絳一疋裏一疋裏熟絹一疋裏一疋

大紅素線羅一件

表素線羅一疋裏生絹一疋

深青素線羅一件

表素線羅一疋裏生絹一疋

鞠衣實金繡鸞鳳絳繡雲夾四件

大紅素紵絳一件

表素紵絳一疋裏生絹一疋

大紅素銀絳紗一件

表素銀絳紗一疋裏生絹一疋

大紅素線羅一件

表素線羅一疋裏生絹一疋

深青素線羅一件

表素線羅一疋裏生絹一疋

各色熟絳線

大紅一兩三錢五分青三錢

青線羅繡鸞鳳夾霞帔二副

各色素線羅大帶大紅三條深青一條

大紅綿布包袱一條以上俱鍼工局辦

郡王

冊盞袱褥銷鑰服匣一副內官監辦

鑲金銀匣一副

銀事件一副以上銀作局辦

如初封加銀印池一箇銀作局辦印匣

一箇內官監辦

郡王妃

冊盞袂褥銷鑰服匣一副

內官監辦

鍍金銀冊一副

銀作局辦

嘉靖七年議定

郡王 將軍 中尉 郡縣 鄉主君冠

服通行裁革止給價銀惟

親王世子及妃仍舊

鎮國將軍冠服銀三十三兩五錢四分夫人

冠服銀二十兩五錢二分

輔國將軍冠服銀二十八兩八錢四分夫人冠服銀一十七兩五錢六分

奉國將軍冠服銀四十三兩四錢九分淑人冠服銀一十六兩五錢八分

鎮國中尉冠服銀四十兩四錢九分恭人冠服銀一十五兩二錢二分

輔國中尉冠服銀二十八兩五錢宜人冠服銀一十二兩五錢六分

奉國中尉冠服銀二十三兩六錢安人冠服

銀一十二兩五錢六分定擬價銀遇有該  
府便差人員給與印信領狀赴部關領勘  
合各回本布政司支領自辦該司每歲終  
將給過緣由造冊繳報

四十年定

郡王 將軍 中尉 郡 縣 鄉主君冠

服價銀一槩免給

嘉靖十年禮部覆議

壽王祐

者請給青衣纁裳宜于內府製造頒

給

王府不得私造著爲令

萬曆八年題

准

郡王冠服係

帝孫者照舊全給

王孫者免

萬曆三十一年題許令

郡王自行備價置造

勤美曰

國家爲

諸王定章服之制擁旒曳組卽上公莫敢望  
至貴倨矣將軍中尉則視爵品爲隆殺載  
在會典及集禮諸書誰得淆之間有抗志  
之賢通親自試幾欲謝遠游而冠進賢擊  
者駭爲非常之原卒以書空縮武而妻宗  
卑族終身貿貿裋褐至不掩脛每朝謁輒  
貸衣冠質庫中服不稱體且取嫺焉又苟

問等威矣管子曰倉廩實而知廉耻衣食  
足而知禮義是寧獨勢窮物詘哉竊誦彼  
都人士之詩不能不有概于中



宮室

親王府制

洪武四年定

王城高二丈九尺下濶六丈上闊二丈女牆  
高五尺五寸城河濶十五丈深三丈正殿  
基高六尺九寸月臺高五尺九寸正門臺  
高四尺九寸五分廊房地高二尺五寸  
王宮門地高三尺二寸五分後宮地高三尺  
二寸五分正門前後殿四門城樓飾以青

緣點金廊房飾以青黑四門正門以紅漆  
金塗銅釘宮殿窠拱攢頂中畫蟠螭飾以  
金邊畫八吉祥花前後殿座用紅漆金蟠  
螭帳用紅銷金蟠螭座後壁則畫蟠螭彩

雲

後改蟠  
螭爲龍立

社稷山川壇于

王城內之西南

宗廟于王城內之東南

會典

七年定

親王所居前殿名承運中曰圓殿後曰存心  
四城門南曰端禮北曰廣智東曰體仁西  
曰遵義

九年定

親王宮殿門廡及城門樓皆覆以青色琉璃  
瓦凡

諸王宮室並依已定格式起蓋不許犯分凡  
諸王宮室並不許有離宮別殿及臺榭遊園  
去處

中書省臣言

親王居室飾大青綠亦若無過度者

上曰惟儉養德惟侈蕩心居上能儉可以導俗  
居上而侈必至屬民獨不見茅茨卑宮堯  
禹以崇聖德阿房西苑秦隋以失人心諸  
子方及冠年去朕左右豈可使靡麗蕩其  
心也祖訓

靖江王相府奏

靖江王府承運六門金釘

朱戶之制

命禮部員外郎張籌等考古制以聞籌等奏按  
韓詩外傳諸侯有德者錫朱戶而金釘無  
所考今

親王府承運門旣用金釘靖江王府宜降  
殺如

公主府按錢之制

上曰諸王之於靖江雖親疎有等然亦王府也  
宜同

親王之制

十一年定

親王宮城周圍三里三百九步五寸東西一百五十丈二寸五分南北一百九十七丈二寸五分

二十七年

上諭工部曰邊境土木之工必度時量力順民情而後爲之時可爲而財力不足不爲也財有餘而民不欲不爲也必有其時有其財而民樂於趨事然後爲之則事易舉今

雲南土曠民稀軍餉轉輸民力甚勞苦若  
復加興造之役非惟時力未可於民亦有  
所不欲岷府姑爲棕亭以居俟十五年後  
民富力紓作之未晚爾工部遣人馳驛往  
諭雲南守臣罷其役

三十年

上以在外

諸王非時興作擅役工匠

諭工部曰今

諸王府宜各守定制不許私有興造勞吾民  
匠若有應須遺作而不可已者必奏

請方許爾可移文

各王府知之

洪武實錄

正統初

唐王造府中便室十餘間爲鎮平縣所奏左  
長史俱坐罪至是

王援

皇明祖訓王子王孫繁盛小院宮室任從起蓋



之言請自後修造不多費者許臣自造庶免煩壩

詔許之

正統實錄

十四年奏

准各處新封營建

王府以工完日爲始五十年之後遇當修理  
奏

准修理如有儀衛司群牧所并侍衛護衛千戶  
軍校者令自具工力不給價果係人力俱

乏該府具奏行勘給價自行修理

弘治八年重定

親王府制

前門五間門房十間廊房一十八間端禮門五間門房六間承運門五間前殿七間周圍廊房八十二間穿堂五間後殿七間家廟一所正房五間廂房六間門三間書堂一所正房五間廂房六間門三間左右盥頂房六間宮門三間廂房一十間前寢

宮五間穿堂七間後寢宮五間周圍廊房六十間宮後門三間蓋頂房一間東西各三所每所正房三間後房五間廂房六間多人房六連共四十二間漿糲房六間淨房六間庫房十間山川壇一所正房三間廂房六間社稷壇一所正房三間廂房六間宰牲亭一座宰牲房五間儀仗庫正房三間廂房六間退殿門三間正房五間後房五間廂房十二間茶房二間淨房一間

世子府一所正房三間後房五間廂房十六  
間典膳所正房五間穿堂三間後房五間  
廂房二十四間庫房三連二十五間馬房  
三十二間盥頂房三間後房五間廂房六  
間養馬房一十八間承奉司正房三間廂  
房六間承奉歇房二所每所正房三間廚  
房三間廂房六間六局共房一百二間每  
局正房三間後房五間廂房六間廚房三  
間內使歇房二處每處正房三間廚房六

間歇房二十四間祿米倉三連共二十九  
間收糧廳正房三間廂房六間東西北三  
門每門三間門房六間大小門樓四十六  
座牆門七十八處井一十六口寢宮等處  
周圍軌徑牆通長一千八十九丈裏外蜈  
蚣木築土牆共長一千三百一十五丈

會典

郡王府制

天順四年定

郡王每位蓋府屋共四十六間前門樓三間

五架中門樓一間三架前廳房五間七架  
廂房十間五架後廳房五間七架廂房十  
間五架廚房三間五架庫房三間五架米  
倉三間五架馬房三間五架

成化十四年定

郡王府第合造前門中門各三間五架前殿  
後殿各五間七架前後東西廂房各五間  
五架典膳所書堂各三間五架

會典

又奏定凡

王府給價自

郡王至鄉君出府之日奏

請勘報無房屋者有司給價自行起蓋

給價則例

山西

晉代藩府

郡王銀一千兩

鎮國將軍銀六百兩

輔國將軍并郡王銀五百兩

奉國將軍 鎮國 輔國中尉并 縣主

郡君 縣君銀四百兩

奉國中尉并 鄉君銀三百兩

庶人銀一百兩

湖廣

遼 岷 楚 荆 吉 襄府

郡王銀一千兩

鎮國將軍銀七百兩

輔國將軍銀六百六十兩



奉國將軍銀六百二十兩

鎮國 輔國 奉國中尉并 郡主銀五百

兩

縣主銀四百六十兩

郡君銀四百兩

縣君銀三百六十兩

鄉君銀三百四十兩

陝西

秦 韓 慶 肅府

郡王在城銀一千五百兩寧夏平涼銀九百兩

郡主銀五百三十兩

鎮國將軍銀一百七十五兩

縣主 郡君 縣君 鄉君俱自行起蓋

河南

周 唐 鄭 趙 伊 徽 崇府

郡王官撥地基料價銀一千一十兩

鎮國將軍銀三百零五兩

輔國將軍銀二百八十兩

奉國將軍銀二百四十兩

鎮輔奉國中尉銀二百兩

山東

德魯府

郡王銀一千兩

鎮國將軍銀六百兩

輔國將軍銀五百兩

奉國將軍銀四百五十兩

鎮輔奉國中尉銀四百兩

郡主銀五百兩

縣主銀三百五十兩

郡君銀二百五十兩

縣君銀二百兩

鄉君銀一百五十兩

江西

淮寧府有地基

郡王銀一千二百兩

鎮國將軍銀六百兩

輔國將軍銀五百五十兩

奉國將軍銀四百五十兩

鎮輔奉國中尉銀四百兩

郡主銀四百五十兩

縣主銀三百七十兩

郡君銀三百七十兩

縣君銀三百五十兩

鄉君銀三百五十兩

無地基

郡王銀一千五百兩

鎮國將軍銀七百五十兩

輔國將軍銀七百兩

奉國將軍銀六百兩

鎮輔奉國中尉銀五百兩

郡主銀六百兩

縣主銀四百七十兩

郡君銀四百七十兩

縣君銀四百五十兩

鄉君銀四百三十兩

四川

蜀府 內江等五府子女

蜀府出辦工料摘撥護衛軍餘成造

弘治以後續定

蜀府鎮國將軍銀二百四十兩

輔國將軍銀二百兩

奉國將軍銀一百二十兩

鎮國中尉銀一百兩

輔國中尉銀八十兩

奉國中尉銀六十兩

郡主銀二百兩

縣主銀二百兩

後議減五十兩給一百五十兩

郡君銀一百六十兩

後議減二十兩給一百四十兩

縣君銀一百二十兩

後議減二十兩給一百兩

鄉君銀八十兩

後議減十兩給七十兩

廣西



靖江王府

奉國將軍銀一百六十兩

奉國中尉銀八十兩

庶人銀四十兩

凡

王府承任弘治元年奏定

郡王并鎮國輔國將軍等長子應出

閣者於本府擇便房成婚如無開奏勘實撥工料銀一百兩送府自於府側修蓋各

世長子承繼前宅其郡縣鄉主君

并儀賓終後子女不許僭居待有該府

郡縣鄉主君成婚者與之

弘治二年奏定各處

王府奏討房價者勘實依原價量減一半給

與自造

弘治九年

命親王殿內屏風飾以雲龍雲龍用青文綺泥

金雲龍丙寅

命親王宮得飾朱紅大青綠餘居室止飾丹碧  
實錄

十四年奏定除

郡王并 如自鎮國將軍以下其應得減半  
房價每一百兩者減二十兩不及一百兩  
者減十兩

正德三年河南守臣奏各處

王府鎮國將軍以下房價俱官給惟河南將  
軍府蓋造率用已貲未經定擬章下工部

會議令自後凡將軍授封出閣者按季類  
奏每鎮國給銀二百四十兩 輔國視  
鎮國六分去一 奉國視 輔國五分  
去一 中尉視 奉國四分去一俱布政  
司與自行修蓋著爲令

正德七年令

親王前門官員人等照例下馬

嘉靖二十二年題

准庶人房價每名給銀一百兩勘係家口繁重

不能同居者量行處給不許假以分析爲  
名節外奏討

嘉靖二十九年題

准各

王府以後府第如有損壞務遵典制自行修  
理不得輒稱人力俱乏及引給價例妄行  
奏擾

嘉靖三十一年題

准

親王

郡王既有見在府第

世子 長子皆不得重給或

世子 長子殤故次子改封卽承父府第不

給房價又 鎮國等將軍中尉各有給過

房價應令一子承任以省再給今後

親 郡王嫡次庶長

請改封者查有先給房價行令扣祿還官其

鎮國等將軍中尉之子如第一子亡故就將

次子承任父宅先給者亦扣祿還官每年  
終各府長史司教授等官將查出應還官  
房屋間數造冊二本一送本部一送布政  
司存照遇有應給者就將見在房屋給與  
嘉靖四十四年題

准

郡王 將軍 中尉 郡 縣 鄉主君房

屋價銀俱一槩免給

條例

萬曆十年題

准

郡王故絕所遺府第屯厰莊田等項教授等  
官逐一查明申呈撫按衙門除嘉靖四十  
四年例前官給府第聽管理奉祀者承任  
安奉香火外如有原出

親王撥給者仍留官眷養贍身終之後復歸  
親王

郡王存日有自置產業量給三分之一與管  
理奉祀者爲歲時祭祀之需其餘皆留官



眷養贍身終之後聽有司從公分給親友  
如無人管理奉祀者其府第別產聽從官  
眷變賣養贍

又題定要例

郡王初封係

帝孫者房屋照例全給其餘

郡王及將軍中尉郡縣鄉王君

房屋一槩俱革

勤美曰昔堯尚土苴禹卑宮室

國家首愛民力寧敢輕用各官哉故

諸王啟宇無奪農時戒始勿亟又何擾焉成  
弘以後營築不盡用縣官始授以資未幾  
且坐時訕所罷矣周之郡王往往棄故  
第僦居民閭而族屬輩遂有無一廛者甚  
或無僅而遜于野倘必守

祖宗之舊不踰一城勢豈能哉富者抑以禮貧  
者優以情展親而守土者宜並敦云

王國典禮卷之二終